

四庫全書

集部

欽定四庫全書

古樂苑卷三

明 梅鼎祚 編

郊廟歌辭

梁 郊祀

北齊

北周

隋

梁雅樂歌

隋書樂志曰梁初郊禋宗廟及三朝之樂並用宋齊元徽永明儀注唯改嘉祚為永祚又去永至之樂何佟之周捨議按周禮王出入奏王夏大祭祀與朝會同而漢制皇帝在廟奏永至朝會別奏皇夏二樂有異於禮為非乃除永至還用皇夏及武帝定國樂並以雅為稱取詩序云

欽定四庫全書

古樂苑
卷三

言天下之事形四方之風謂之雅雅止乎十二
則天數也乃至階步之樂增徹食之雅焉其辭
並沈約所製普通中薦疏之後改諸雅歌勅蕭
子雲製辭既無雅牢遂省滌雅雅云南史曰
梁初郊廟未革雅雅樂辭皆沈約撰至是承用
子雲啟宜改之勅答曰此是主者守株宜急改
也仍使子雲撰定勅曰郊廟歌辭應須典故大
語不得雜用子史文章淺言而沈約所撰亦多
舛謬子雲作成勅並施用隋書樂志曰梁天監
初時議又以為周禮云若樂六變天神皆降神
居上玄去還恍忽降則自至迎則無所可改迎
為降而送依前式又周禮云若樂八變則地祇
皆出可得而禮地宜
依舊為迎神從之

皇雅

三曲五言皇帝出入奏隋書樂志曰宋孝
建起居注奏永至至是改為皇雅取詩皇

矣上帝臨下有赫
也二郊太廟同用

沈約下同
十一首

帝德實廣運車書靡不賓
執瑁朝羣后垂旒御百神
八荒重譯至萬國婉來親

華蓋拂紫微勾陳統太一
容裔被緹組參差羅罕畢
星回昭以爛天行徐且謚

清蹕朝萬寓端冕臨正陽
青約黃金纁袞衣文繡裳
既散華蟲采復流日月光

滌雅

一曲四言牲出入宋元徽儀注奏引牲至是改為滌雅取禮記帝牛必在滌三月也

二郊明堂

太廟同用

將修盛禮其儀孔熾有膺斯牲國門是置不黎不瘠靡
訾靡忌呈肌獻體永言昭事俯休皇德仰綏靈志百福
具膺嘉祥允洎駿奔伊在慶覃遐嗣

牲雅

一曲四言薦毛血宋元徽三年儀注奏嘉
薦至是改為牲雅取春秋左氏傳牲牲肥

膾也二郊明

堂太廟同用

反本興敬復古昭誠禮容宿設祀事孔明華俎待獻崇
碑麗牲充哉繭握肅矣簪纓其膺既啟我豆既盈庖丁

遊刃葛盧驗聲多祉攸集景福來并

誠雅

一曲三言南郊降神用宋元徽儀注奏昭夏至是改為誠雅取尚書至誠感神也

懷忽慌瞻浩蕩盡誠潔致虔想出杳冥降無象皇情肅具僚仰人禮盛神途敞俊明靈申敬享感蒼極洞玄象

誠雅

一曲三言北郊迎神用

地德溥崑丘峻揚羽翟鼓應輦出尊祇展誠信招海瀆羅嶽鎮惟福祉咸昭晉

誠雅

一曲四言南北郊明堂太廟送神同用

我有明德馨非稷黍牲玉孔備嘉薦惟旅金懸宿設和樂具舉禮達幽明敬行尊俎鼓鐘云送遐福是與

獻雅

一曲四言皇帝飲福酒宋元徽儀注奏嘉祚梁初改為永祚至是改為獻雅取禮記

祭統尸飲五洗玉爵獻卿今之福酒亦古獻之義也二郊明堂同用

神宮肅肅天儀穆穆禮獻既同膺茲釐福我有馨明無愧史祝

禋雅

一曲四言就燎位用宋元徽儀注奏昭遠就埋位齊永明儀注奏隸幽至是燎埋俱

奏禋雅取周禮大宗伯以禋祀祀昊天上帝也

紫宮昭煥太一微玄降臨下土尊高上天載陳珪幣式
備牲牷雲露清引枸簋高懸俯昭象物仰致高煙肅彼
靈祉咸達皇虔

禋雅

一曲四言
就理用

盛樂斯舉協徵調宮靈饗慶洽祉積化融八變有序三
獻已終坎牲瘞玉酬德報功振垂成呂投壤生風道無
虛致事由感通於皇盛列祀祚華嵩

二郊登歌

隋書樂志曰大戴云清廟之歌懸一磬而尚搏拊在漢之世獨有登歌近代已來始用絲竹舊三朝設樂皆有登歌梁武以為登歌者頌祖宗功業非元日所奏于是去之後以其說非通復用於嘉慶梁二郊宗廟皇帝初獻及明堂偏歌五帝德並奏登歌又曰南郊舞奏黃鍾取陽始化也北郊舞奏林鍾取陰始化也明堂宗廟所尚者惟蕤賓是為敬之名復有陰主之義故同奏焉其南北郊明堂宗廟之禮加有登歌

南郊登歌

二曲三言皇帝初獻奏

沈約

暉既明禮告成惟聖祖主上靈爵已獻壘又盈息羽籥展歌聲優如在結皇情

禮容盛尊俎列玄酒陳陶匏設獻清旨致虔潔工既升
樂已闋降蒼昊垂芳烈

北郊登歌

二曲四言皇
帝初獻奏

沈約

方壇既埴地祇已出盛典弗讐羣望咸秩乃升乃獻敬
成禮卒靈降無兆神饗載謐允矣嘉祚其升如日

至哉坤元實惟厚載躬茲奠饗誠交顯晦或升或降搖
珠動佩德表成物慶流皇代神嘏不訐祺福是賚

成物
郭作

萬
物

明堂登歌

五曲
四言

隋書樂志曰梁天監初明堂設樂大畧與南郊
不殊惟壇堂異名而無就燎之位明堂則偏歌
五帝其餘同
於郊式焉

歌青帝

沈約
下同

帝居在震龍德司春開元布澤含和尚仁羣居既散歲
云陽止飭農分地民粒惟始雕梁繡拱丹楹玉墀靈威
以降百福來綏

民隋書
作人

歌赤帝

炎光在離火為威德執禮昭訓持衡受則靡草既凋溫
風以至嘉薦惟旅時羞孔備齊緹在堂笙鏞在下匪惟
七百無絕終始

歌黃帝

鬱彼中壇含靈闡化迴環氣象輪無輟駕布德焉在四
序將收音宮數五飯稷騂駟宅屏居中旁臨外宇升為
帝尊降為神主

歌白帝

神在秋方帝居西皓允茲金德裁成萬寶鴻來雀化參
見火斜幕無玄鳥菊有黃華載列笙磬式陳彝俎靈罔
常懷惟德是與

歌黑帝

德盛乎水玄冥紀節陰降陽騰氣凝象閔司智蒞坎駕
鐵衣玄祁寒折地晷度迴天悠悠四海駿奔奉職祚我

無疆永隆民極

閔隋書作閔
民隋書作人

北齊大禘圜丘歌

隋書樂志曰齊武成時始定四郊宗廟三朝之樂大禘圜丘及北郊並同祀感帝用圜丘樂

肆夏樂

夕牲羣臣入門奏

陸印等奉詔撰

肇應靈序奄宇黎民乃朝萬國爰徵百神祇展方望幽顯咸臻禮崇聲協贊列珪陳翼差鱗次端笏垂紳來趨

動色式贊天人

民隋書作人笏郭作拱

高明樂

迎神奏登歌辭同

惟神鑒矣皇靈肅止圓璧展事成文即始士備八能樂合六變風湊伊雅光華襲薦宸衛騰景靈駕霏煙嚴壇

生白綺席凝玄

昭夏樂

牲出入並奏

剛柔設位惟皇配之言肅其禮念暢在茲飭牲舉獸載
歌且舞既設伊膋致精靈府物色惟典齋沐加恭宗族
咸暨罔不率從

昭夏樂

薦毛血奏

展禮上月肅事應時繭粟為用交暢有期弓矢斯發笄
簪將事圓神致祀率由先志和以鑾刀臭以血膋至哉

敬矣厥義孔高

羣臣出進熟羣臣入並奏肆夏辭同初入

皇夏樂

初入進熟皇帝入門奏

帝敬昭宣皇誠肅致玉帛齊軌屏攝咸次三垓上列四
陞旁升龍陳萬騎鳳動千乘神儀天藹睟容離曜金根
停軫奉光先導

皇夏樂

皇帝升丘奏壇上登歌辭同

紫壇雲曖紺幄霞褰我其陟止載致其虔百靈竦聽萬
國咸仰人神咫尺玄應肸蠭

高明樂

皇帝初獻奏

上下眷旁午從爵以質獻以恭咸斯暢樂惟雍孝敬闡

臨萬邦

高明樂

皇帝奠爵訖奏高明樂履禱之舞辭

自天子之會昌神道丘陵肅事克光天保九關洞開百

靈環列八尊呈備五聲投節

武德樂

皇帝獻太祖配饗神座奏武德之樂昭烈之舞辭

配神登聖主極尊靈敬宣昭燭咸達宵冥禮弘化定樂

贊功成穰穰介福下被羣生

皇帝小退當昊天上帝靈座前奏皇夏

皇夏樂

皇帝飲福酒奏

皇心緬且感吉蠲奉至誠赫哉光盛德乾以詔百靈報

福歸昌運承祐播休明風雲馳九域龍蛟躍四溟浮慕

呈光氣儼象燭華精護武方知恥韶夏僅同聲

皇帝詣東陛還

便座又奏皇夏辭同初入

高明樂

送神降丘南陛奏

獻享畢懸佾周神之駕將上遊超斗極絕河流懷萬國

寧九州欣帝道心顧留市上下荷皇休

皇帝之望燎位奏皇夏辭同上

昭夏樂

紫壇既燎奏

玄黃覆載元首照臨合德致禮有契其心敬申事闕潔

誠云報玉帛載升棧樸斯燎寥廓幽曖播以馨香皇靈

惟監降福無疆

皇帝自望燎位還本位奏皇夏辭同上云一作共

皇夏樂

皇帝還便殿奏

天大親嚴匪敬伊孝永言肆饗宸明增耀陽丘既暢大典逾光乃安斯息欽若舊章天迴地旋鳴鑾引警言且萬

且億皇厯惟永

羣臣出奏肆
夏辭同上

北郊樂歌

八首

隋書樂志曰齊北郊迎神奏高明樂登歌辭同
薦毛血奏昭夏進熟皇帝入門及升丘並奏皇
夏奠爵訖奏高明樂覆幬舞送神降丘南陞奏
高明樂既座奏昭夏還使殿奏皇夏餘並同南
郊按隋書南北樂合載其文異
者即注句下今從郭本分列

高明樂

惟祗監矣皇靈肅止方琮展事即陰成理士備八能樂
合八變風湊伊雅光華襲薦象衛騰景靈駕霏煙嚴壇

生白綺席凝玄

昭夏樂

展禮上月肅事應時繭栗為用交暢有期弓矢斯發
簪將事方祗致祀率由先志和以鑾刀臭以血膋至哉
敬矣厥義孔高

皇夏樂

帝敬昭宣皇誠肅致玉帛齊軌屏攝成次重垓上列分
陞旁升龍陳萬騎鳳動千乘神儀天藹晬容離曜金根

停軫奉光先導

皇夏樂

層壇雲暖嚴幄霞褰我其陟止載致其虔百靈竦聽萬國咸仰人神咫尺玄應盱蠻

高明樂

自天子之會昌神道方澤祇事克光天保九關洞開百靈環列八尊呈備五聲投節

高明樂

獻享畢懸佾周神之駕將下遊超荒極憩崑丘懷萬國
寧九州欣帝道心顧留帟上下荷皇休

昭夏樂

玄黃覆載元首照臨合德致禮有契其心敬申事闋潔
誠云報牲玉載陳棧樸斯燎寥廓幽曖播以馨香皇靈
惟鑒降福無疆

皇夏樂

天大親嚴匪敬伊孝永言肆饗宸明增耀陰澤云暢大

典逾光乃安斯息欽若舊章天迴地旋鳴鑾引警且萬
且億皇歷惟永

五郊樂歌

隋書樂志曰齊五郊迎氣降神並奏高明樂又
禮五方上帝並奏高明之樂為覆情之舞按此
五歌亦如宋謝
莊用五行數

青帝高明樂

三言

以下詩彙
作祖珽撰

歲云獻谷風歸斗東指雁北飛電鞭激雷車遽虹旌靡
青龍馭和氣洽具物滋翻降止應帝期

赤帝高明樂 七言

婺女司旦中呂宣朱精御節離景延根菱俊茂溫風發
柘火風水應炎月執衡長物德孔昭赤旂霞曳會今朝

霞郭本作電

黃帝高明樂 五言

居中市五運乘衡畢四時含養滋羣物協德固皇基
嘽緩契王風持載符君德良辰動靈駕承祀昌邦國

白帝高明樂 九言

風涼露降馳景颺寒精山川搖落平秩在西成益藏成
積烝民被嘉祉從享來儀鴻休溢千祀

民隋書
作人

黑帝高明樂

六言

虹藏雉化告寒氷壯地坼年殫日次月紀方極九州萬
邦獻力叶光是紀歲窮微陽潛兆方融天子赫赫明聖
享神降福惟敬

祠五帝於明堂樂歌辭

肆夏樂

先一日夕牲羣臣入門奏羣臣出
奏進熟羣臣入並奏肆夏辭同

以下詩彙
作祖琰撰

國陽崇祀嚴恭有聞荒華胥暨樂我太君冕瑞有列禽
帛恭敘羣后師師威儀容與執禮辨物司樂考章率由
靡墜休有烈光

恭敘一
作載敘

高明樂

太祝令迎神奏高
明樂履轉舞辭

祖德光國圖昌祇上帝禮四方闢紫宮動華闕龍虎奮
風雲發飛朱雀從玄武攜日月帶雷雨耀宇內溢區中
眷帝道感皇風帝道康皇風扇染盛列椒醑薦神且寧

會五精歸福祿幸問亭

虎隋書作獸

武德樂

太祖配饗奏武德樂昭烈舞辭五方天帝奏高明之樂覆幬之舞辭同迎氣

於惟我祖自天之命道被歸仁時也啟聖運鍾千祀授
手萬姓夷兇掩虐匡頽翼正載經載營庶士咸寧九功
以洽七德兼盈丹書入告玄玉來呈露甘泉白雲郁河
清聲教咸往舟車畢會仁加有形化決無外嚴親惟重
陟配惟大既祐斯歌率土攸賴

昭夏樂

牲出入奏

金匱要略卷三
孝享不匱精潔臨年滌牢委溢形色博牲于以用之言
永歆祀肅肅威儀敢不敬止載飭載省惟牛惟羊明神
有察保茲萬方

昭夏樂

薦毛血奏

我將宗祀寅獻厥誠鞠躬如在側聽無聲薦色斯純呈
氣斯臭有滌有濯惟神其祐五方來格一人多祉明德
惟馨於穆不已

皇夏樂

進燕皇帝入門奏皇
帝升壇奏皇夏辭同

象乾上構儀坤下基集靈崇祖永言孝思室陳簋豆庭
羅懸佾夙夜畏威保茲貞吉舞貴其夜歌重其升降斯
百祿惟饗惟應

高明樂

皇帝初獻奏高明樂覆倚舞辭

度几筵闢牖戶禮上帝感皇祖酌惟潔滌以清薦心歆
達神明

高明樂

皇帝裸獻奏高明樂覆倚舞辭

帝精來降應我明德禮殫義展流祉邦國既受多祉實

資孝敬祀致其誠荷天休命

皇夏樂

皇帝飲福酒奏

恭祀洽盛禮宣英猷爛層景廣澤同深泉上靈鍾百福
羣神歸萬年月軌咸梯岫日域盡浮川瑞鳥飛玄扈潛
鱗躍翠連皇家膺寶歷兩地復參天

高明樂

太祝送神奏高
明樂覆情舞辭

青陽奏發朱明歌西皓唱玄冥大禮罄廣樂成神心懽
將遠征飾龍駕矯鳳旂指閭闔憩層城出溫谷邁炎庭

跨西汜過北溟忽萬億耀光精比電驚與雷行嗟皇道
懷萬靈固王業震天聲

皇夏樂

皇帝還便殿奏

文物備矣聲明有章登薦惟肅禮邈前王
旋告罄穆穆旒冕蘊誠畢敬屯衛按部鑾蹕迴途暫留
紫殿將及清都

周祀圓丘歌

隋書樂志曰周太祖迎魏武入關樂聲皆闕恭
帝元年平荊州大獲梁氏樂器以屬有司及闕

帝受禪居位日淺明帝踐阼雖革魏氏之樂而未臻惟正天和元年武帝初造山雲舞以備六代南北郊雩壇太廟祔祫俱用六舞建德二年十月甲辰六代樂成奏於崇信殿於是正定雅音為郊廟樂創造鍾律頗得其宜宣帝嗣位郊廟皆循用之無所改作

昭夏

降神奏

庾信

下同

重陽禋祀大報天丙午封壇肅且園孤竹之管雲和弦神光未下風肅然王城七里通天臺紫微斜照影徘徊連珠合璧重光來天策暫轉鉤陳開

丙隋書作景未郭本作來

皇夏

皇帝將入門奏

旌迴外墮蹕靜郊門千乘按轡萬騎雲屯藉茅無咎掃
地惟尊揖讓展禮衡璜節步星漢就列風雲相顧取法
於天降其永祚

昭夏

俎入奏

日至大禮豐犧上辰牲牢脩牧繭栗毛純俎豆斯立陶
匏以陳大報反命居陽兆日六變鼓鍾三和琴瑟俎奇
豆偶惟誠惟質

昭夏

奠玉帛奏

國玉已奠蒼幣斯陳瑞形成象璧氣含春禮從天數智
總圓神為祈為祀至敬咸遵

皇夏

皇帝升壇奏

七星是仰八陞有憑就陽之位如日之升思虔肅肅施
敬繩繩祝史陳信玄象斯格惟類之典惟靈之澤幽顯
對揚人神咫尺

星郭本作里
施郭本作致

雲門舞

皇帝初獻奏

獻以誠鬱以清山壘舉沈齊傾惟尚饗洽皇情降景福

通神明

雲門舞

皇帝初獻配帝奏

長丘遠歷大電遙源弓藏高隴鼎沒寒門人生于祖物

生于天尊神配德迄用康年

尊郭本作奠

登歌

皇帝初獻及獻配帝畢奏

歲之祥國之陽蒼靈敬翠雲長象為飾龍為章乘長日

坏蟄戶列雲漢迎風雨六呂歌雲門舞省滌濯奠牲牲

鬱金酒鳳凰尊迴天睠顧中原

列一作烈

皇夏

皇帝飲福酒奏

國命在禮君命在天陳誠惟肅飲福惟虔洽斯百禮福
以千年鈎陳掩映天駟徘徊彫禾飭筆翠羽承壘受斯
茂祉從天之來

雍樂

撤奠奏

禮將畢樂將闌迴日轡動天關翠鳳搖和鑾響五雲飛
三步上風為馭雷為車無轍迹有煙霞暢皇情休靈命
雨留甘雲餘慶

皇夏

帝就望燎位奏

六典聯事九司咸則率由舊章於焉允塞掌禮移次燔
柴在焉煙升玉帛氣斂牲牷休氣馨香膋芳昭晰翼翼
虔心明明上徹

皇夏

帝還便座奏

玉帛禮畢人神事分嚴承乃睠瞻仰迴雲輦路千門王
城九軌式道移候司方迴指得一惟清於萬斯寧受茲
景命于天告成

祀方澤歌

昭夏

降神奏

庾信

下同

報功陰澤展禮玄郊平琮鎮瑞方鼎升庖調歌絲竹縮
酒江茅聲舒鐘鼓器質陶匏列耀秀華凝芳都荔川澤
茂祉丘陵容衛雲飾山罍蘭浮汎齊日至之禮歆茲大
祭

昭夏

奠玉帛奏

曰若厚載欽明方澤敢以敬恭陳之玉帛德包含養功

藏靈迹斯箱既千子孫則百

登歌

初獻奏舞辭同園丘

質明孝敬求陰順陽壇有四陞琮為八方牲牲蕩滌蕭
合馨香和鑾戾止振鷺來翔威儀簡簡鐘鼓喤喤聲和
孤竹韻入空桑封中雲氣坎上神光下元之主功深益
藏為郭本作分

皇夏

望坎位奏

司筵撤席掌禮移次迴顧封壇恭臨坎位瘞玉埋俎藏

芬斂氣是曰就幽成斯地意

斯郭本作此

祀五帝歌

皇夏

奠玉帛奏

庾信

下同

嘉玉惟芳嘉幣惟量成形依禮稟色隨方神班有次歲
禮惟常威儀抑抑率由舊章

依郭作惟
有郭作其

皇夏

初獻奏

惟令之月惟嘉之辰司壇宿設掌史誠陳敢用明禮言
功上神鉤陳旦闢閭闔朝分旒垂象冕樂奏山雲將迴

靈策暫轉天文五運周環四時代序鱗次玉帛循迴樽

俎神其降之介福斯許

掌郭作長

青帝雲門舞

皇帝初獻奏下並同

甲在日鳥中星禮東后奠蒼靈樹春旗命青史候雁還
東風起歌木德舞震宮泗濱石龍門桐孟之月陽之天
億斯慶兆斯年

配帝舞

帝出于震蒼德於神其明在日其位居春勞以定國功

以施人言從配祀近取諸身

赤帝雲門舞

招搖指午對南宮日月相會實沈中離光布政動溫風
純陽之月樂炎精赤雀丹書飛送迎朱絃絳鼓磬虔誠
萬物含養各長生

配帝舞

以炎為政以火為官位司南陸享配離壇三和實俎百
味浮蘭神其茂豫天步艱難

黃帝雲門舞

三光儀表正四氣風雲同戊巳行初歷黃鍾始變宮平
琮禮內鎮陰管奏司中齊壇芝暘暘清野桂馮馮夕牢
芬六鼎安歌韻八風神光乃超忽嘉氣恒蔥蔥

配帝舞

四時咸一德五氣或同論猶吹鳳凰管尚對梧桐園器
園居土厚位總配神尊始知今奏樂還用我雲門

白帝雲門舞

肅靈光景承配秋壇雲高火落露白蟬寒帝律登年金
精行令瑞獸霜輝祥禽雪映司藏肅殺萬寶咸宜厥田

上上收功在斯

輝郭作耀

配帝舞

金行秋令白帝朱宣司正五雉歌庸九川執文之德對
越彼天介以福祉君子萬年

黑帝雲門舞

北辰為政玄壇北陸之祀員官宿設玄璜浴蘭坎德陰

風御寒次律將迴窮紀微陽欲動細泉管猶調於陰竹
聲未入於春絃待歸餘於送歷方履慶於斯年

配帝舞

地始坼虹始藏服玄玉居玄堂沐蕙氣浴蘭湯匏器潔
水泉香陟配攸福無疆君欣欣此樂康

隋園丘歌

隋書樂志曰文帝開皇中詔秘書監牛弘秘書
丞姚察虞部侍郎許善心兼內史舍人虞世基
東宮學士劉臻等詳定雅樂十四年三月樂定
弘等奏曰伏奉明詔詳定雅樂博訪知音苟求

儒彥研校是非定其去就取為一代正樂具在本司於是并撰歌辭三十首詔並令施用見行者皆傳之其人間音樂流僻日久棄其舊體者並加禁約務存其本牛弘傳曰開皇九年奉詔改定雅樂又作樂府歌辭撰定園丘五帝凱樂仁壽元年詔牛弘柳顧言許善心虞世基蔡徵等更詳故實創制雅樂歌辭其辭園丘皇帝入至版位定奏昭夏之樂以降天神升壇奏皇夏之樂受玉帛登歌奏昭夏之樂皇帝降南陛詣壘洗洗爵訖升壇並奏皇夏初升壇俎入奏昭夏之樂皇帝初獻奏誠夏之樂皇帝既獻作文舞之舞皇帝飲福酒作需夏之樂皇帝反爵於圻還本位奏皇夏之樂武舞出作肆夏之樂送神作昭夏之樂就燎位還大次並奏皇夏

昭夏

降神奏

肅祭典協良辰具嘉薦俟皇臻禮方成樂已變感靈心
迴天睠闢華闕下乾宮乘精氣御祥風望燿火通田燭
膺介主受瑄玉神之臨慶陰陰煙衢洞宸路深善既福
德斯輔流鴻祚徧區宇

皇夏 皇帝升壇奏

於穆我君昭明有融道濟區域功格玄穹百神警衛萬
國承風仁深德厚信洽義豐明發思政勤憂在躬鴻基
惟永福祚長隆

君一作后

登歌

德深禮大道高饗穆就陽斯恭陟配惟肅血膺升氣冕
裘標服誠感清玄信陳史祝祇承靈貺載膺多福

誠夏

皇帝初獻奏

肇禋崇祀大報尊靈因高盡敬埽地推誠六宗隨兆五
緯陪營雲和發韻孤竹揚清我粢既潔我酌惟明五神

是鑒百祿來成

大報一作式奉盡
郭作就清一作聲

文舞

皇帝既獻奏

皇矣上帝受命自天睿圖作極文教遐宣四方監觀萬國陶甄有苗斯格無得稱焉天地之經和樂具舉休徵咸萃要荒式序正位履端秋霜春雨

需夏

皇帝飲福酒奏

禮以恭事薦以饗時載清玄酒備潔薌萁迴旒分爵思媚軒墀惠均撤俎祥降受釐十倫以具百福斯滋克昌厥德永祚鴻基

武舞

御歷膺期乘乾表則成功戡亂順時經國兵暢五材武
弘七德憬彼遐裔化行充塞三道備舉二儀交泰情發
自中義均莫大祀敬恭肅鐘鼓繁會萬國斯歡兆民斯
賴享茲介福康哉元首惠我無疆天長地久

民隋書
作人

昭夏送神奏

享序洽祀禮施神之駕嚴將馳奔精驅長離耀牲煙達
潔誠照騰日馭鼓電鞭辭下土升上玄瞻寥廓杳無際
澹羣心留餘惠

五郊歌

隋書樂志曰五郊歌辭青郊奏角音赤郊奏徵音黃郊奏宮音白郊奏商音黑郊奏羽音迎送神登歌與圓丘同

青帝歌角音

震宮初動木德惟仁龍精戒旦鳥歷司春陽光煦物溫
風先導巖處載驚膏田已冒犧牲豐潔金石和聲懷柔
備禮明德惟馨

赤帝歌徵音

長嬴開序炎上為德執禮司萌持衡御國重離得位以
種在時含櫻薦實木槿垂蕤慶賞既行高明可處順時
立祭事昭福舉

黃帝歌宮音

爰稼作土順位稱坤孕金成德履艮為尊黃本內色宮
實聲始萬物資生四時咸紀靈壇汎埽盛樂高張威儀
孔備福履無疆

白帝歌商音

西成肇節盛德在秋三農稍已九穀行收金氣肅殺商
威颼戾嚴風鼓莖繁霜隕蒂厲兵詰暴勅法慎刑明神
降嘏國步惟寧

黑帝歌羽音

玄英啓候冥陵初起虹藏於天雉化於水嚴關重閉星
迴日窮黃鍾動律廣莫生風玄樽示本天產惟質恩覃

外區福流京室

京隋書
作景

感帝歌

隋書樂志曰祀感帝奏誠
夏迎送神登歌與圓丘同

誠夏

禘祖垂典郊天有章以春之孟於國之陽鹵栗惟誠陶
匏斯尚人神接禮明幽交暢火靈降祚火歷載隆烝哉
帝道赫矣皇風

以春之孟郭
作以孟之春

雩祭歌

隋書樂志曰雩祭蜡祭朝日夕月並
奏誠夏其迎送神登歌並與圓丘同

誠夏

朱明啟候時載陽肅若舊典延五方嘉薦以陳盛樂奏
氣序和平資靈祐公田既雨私亦濡民殷俗富政化敷

民隋書
作人

蜡祭歌

誠夏

四方有祀八蜡酬功收藏既畢榛葛送終使之必報祭
之斯索三時告勞一日為澤神祇必來鱗羽咸致惟義
之盡惟仁之至年成物阜罷役息民皇恩已洽靈慶無

垠

民隋書
作人

朝日夕月歌

朝日誠夏

扶木上朝暾
崑山沈暮景
寒來遊晷促
暑至馳輝永
時和合璧耀
俗泰重輪明
執圭盡昭事
服冕罄虔誠

夕月誠夏

澄輝燭地域
流耀鏡天儀
歷草隨弦長
珠胎逐望虧
成形表蟾兔
竊藥資王母
西郊禮既成
幽壇福惟厚

方丘歌

隋書樂志曰祭方丘惟此四首異餘並同圓丘

昭夏迎神奏

柔功暢陰德
昭陳庠典盛
玄郊篚冪清
管鬯馥皇情
虔具寮肅笙
頌合鼓鼗會
出桂旗屯孔
蓋敬如在肅
有承

神胥樂慶福膺

旗郭作旌

登歌

莫玉帛奏

道惟生育器
乃包藏報功
稱範殷薦有
常六瑚已饋
五

齊流香貴誠尚質敬洽義章神祚惟永帝業增昌

誠夏

獻皇地祇奏

厚載垂德崑丘主神陰壇吉禮北至良辰鑒水呈潔牲
粟表純樽壺夕視幣玉朝陳羣望咸秩精靈畢臻祚流
於國祉被於人

昭夏

送神奏

奠既徹獻已周竦靈駕逝遠遊洞四極帀九縣慶方流
祉恒遍埋玉氣掩牲芬晰神理顯國文

神州歌

隋書樂志曰祭神州奏社稷先農並奏誠夏其迎送神登歌並與方丘同

誠夏

四海之內一和之壤地曰神州物賴生長咸池既降泰
圻斯饗牲牷尚黑珪玉寔兩九寓載寧神功克廣

社稷歌

四首

春祈社誠夏

厚地開靈方壇崇祀達以風露樹之松梓勾萌既申芟

柞伊始恭祈染盛載膺休祉

春祈稷誠夏

粒食興教播厥有先尊神致潔報本惟虔瞻榆東耒望
杏開田方憑戩福佇詠豐年

秋報社誠夏

北墉申禮單出表誠豐穰入薦華樂在庭原隰既平泉
流又清如雲已望高廩斯盈

秋報稷誠夏

民天務急農亦勤止或蓂或蔗惟縻惟芑涼風戒時歲

云秋矣物成則報功施必祀

民隋書
作人

先農歌


誠夏

農祥晨晰土膏初起春原俶載青壇致祀斂蹕長阡迴
旌外壝房俎飾薦山罍沈滓親事朱紘躬持黛耜恭神
務穡受禧降祉

先聖先師歌

誠夏

經國立訓學重教先三墳肇冊五典留篇開鑿理著陶
鑄功宣東膠西序春誦夏弦芳塵載仰祀典無騫



古樂苑卷三

欽定四庫全書

集部
古樂苑卷四

詳校官編修臣李堯棟

侍讀臣孫球覆勘

總校官降調編修臣倉聖脉

校對官主事臣陳文樞

謄錄監生臣陳繼豫

欽定四庫全書

古樂苑卷四

明 梅鼎祚 編

郊廟歌辭

廟祀

漢

魏

晉

宋

漢安世房中歌

儀禮曰燕歌鄉樂周南關雎葛覃卷耳召南鵲巢采芣采蘋鄭康成云王后國君夫人房中之樂歌也周南召南風化之本故謂之鄉樂用之房中以及朝廷饗燕鄉射飲酒也周官磬師掌教燕樂之鐘磬傳云燕樂房中之樂所謂陰聲也詩傳曰國君有房中之樂天子以周南諸侯

以召南漢書曰房中祠樂高祖唐山夫人所作也周有房中樂至秦名曰壽人凡樂樂其所生禮不忘本高祖樂楚聲故房中樂楚聲也孝惠二年使樂府令夏侯寬備其簫管更名安世樂宋書樂志曰魏文帝黃初二年議者以房中歌后妃之德所以風天下正夫婦乃改為正始之樂明帝太和初繆襲奏魏國初建王祭所作登歌安世詩專以思詠神靈及說神靈鑒享之意晉書樂志曰魏明帝時侍中繆襲奏漢安世歌詠亦說高張四縣神來燕享嘉薦令儀永受厥福無有二南后妃風化天下之言今思惟往者謂房中為后妃之歌恐失其意方祭祀娛神登堂歌先祖功德下堂歌詠燕享無事歌后妃之化也於是改安世樂曰享神歌唐書禮樂志曰平調清調瑟調皆周房中之遺聲按漢書云房中歌十七章然止列為九章宋劉敞注云疑本

十二章誤為十七章因分列為十七章之數馬
端臨文獻通考亦同而郭茂倩樂府作十六章

今從劉氏為正文漢

書郭本分列于下

唐山夫人

大孝備矣休德昭清高張四縣樂充宮庭芬樹羽林雲

景杳冥金支秀華庶旒翠旌

劉敞云大孝備矣一章八句

七始華始肅倡和聲神來宴娛庶幾是聽粥粥音送細

齊人情忽乘青玄熙事備成清思眇眇經緯冥冥

七始華始

一章十句漢書郭本粥粥至冥冥一章

我定歷數人告其心敕身齋戒施教申申乃立祖廟敬

明尊親大矣孝熙四極爰轅

我定歷數一章十句郭本同漢書至樂民人為一章

轅與臻
字同

王侯秉德其鄰翼翼顯明昭式清明宅矣皇帝孝德竟

全大功撫安四極

王侯秉德一章七句郭本同

海內有姦紛亂東北詔撫成師武臣承德行樂交進簫

勺羣慝肅為濟哉葢定燕國

海內有姦一章八句郭本同簫舜樂勺周樂勺讀曰

酌

大海蕩蕩水所歸高賢愉愉民所懷大山崔百卉殖民

何賢賢有德

大海蕩蕩一章
六句郭本同

安其所樂終產樂終產世繼緒飛龍秋遊上天高賢愉

樂民人

安其所一章八句郭本同蘇林曰秋飛貌也師古曰莊子有秋駕之法者亦言駕馬騰驤秋秋

然也揚雄賦曰秋秋踰踰入西園其義亦同讀者不曉秋義或改此秋字為秣稷之秣失之遠矣

豐草萋女羅施善何如誰能回大莫大成教德長莫長

被無極

豐草萋一章八句
漢書郭本竝同

雷震震電耀耀明德鄉治本約治本約澤弘大加被寵

咸相保施德大世曼壽

雷震震一章十句
漢書郭本竝同

都荔遂芳宵窳桂華孝奏天儀若日月光乘玄四龍回

馳北行羽旄殷盛芬哉芒芒孝道隨世我署文章

桂華一章

十句孟康曰宵出窳入都良薜荔之香鼓動桂華也晉灼曰桂華殿名樹此香草以潔齊其芳氣達於宮殿也臣瓚曰茂陵中書歌都嫺桂英美芳鼓行不得為殿師古曰都良薜荔俱有芬芳桂華之形宵窳然也

桂華馮馮翼翼承天之則吾易久遠燭明四極慈惠所

愛美若休德杳杳冥冥克綽永福

桂華一章十句劉敞曰馮馮翼翼此桂華

前章之名也古詩皆有篇名今此獨兩章存郭本至山則一章

美芳磴磴卽卽師象山則嗚呼孝哉案撫戎國蠻夷竭

歡象來致福兼臨是愛終無兵革

美芳一章八句郭本
嗚呼至兵革一章漢

書桂華馮馮翼翼至兵革為一章劉奉世曰桂華美芳
皆二詩章名本側注在前篇之末傳寫之誤遂以冠後
後詞無美芳亦
當作美若矣

嘉薦芳矣告靈饗矣告靈既饗德音孔臧惟德之臧建

侯之常承保天休令問不忘

嘉薦芳矣一章八
句漢書郭本竝同

皇皇鴻明蕩蕩休德嘉承天和伊樂厥福在樂不荒惟

民之則

皇皇鴻明
一章六句

浚則師德下民咸殖令聞在舊孔容翼翼

浚則師德一
章四句郭本

皇皇至翼
翼為一章

孔容之常承帝之明下民之樂子孫保康承順溫良受

帝之光嘉薦令芳壽考不忘

孔容之常一章
八句郭本同

承帝明德師象山則雲施稱民永受厥福承容之常承

帝之明下民安樂受福無疆

承帝明德一章八句郭本
同漢書皇皇鴻明至受福

無疆為
一章

魏太廟頌 三章

建安十八年曹操為魏公加九錫始立宗廟令
祭作此頌以享其先始名曰顯廟頌後人更今

名

王粲

思皇烈祖時邁其德肇啟洪源貽燕我則我休厥成聿
先厥道丕顯丕欽允時祖考

綏庶邦和四宇九功備彝樂序建崇牙設璧羽六佾奏
八音舉昭大孝衍妣祖念武功收純祐

於穆清廟翼翼休徵祁祁髦士厥德允升懷想成位咸
聿在宮無思不若允觀厥崇

晉祠廟歌

南齊書樂志曰晉泰始中傅玄造玄云登歌歌
盛德之功烈故廟異其文饗神猶周頌之有瞽
及雍但說祭饗神明禮樂之盛七廟皆用之夏
侯湛又造宗廟歌十三篇宋書樂志曰元康中
荀蕃受詔成父勗業
金石四縣用之郊廟

夕牲歌

傅玄

下同
十一首

我夕我牲猗歟敬止嘉泰孔時供茲享祀神鑒厥誠博
碩斯歆祖考降饗以虞孝孫之心

迎送神歌

嗚呼悠哉日鑒在茲以時享祀神明降之神明既降既

祐饗之昨我無疆受天之祐赫赫太上魏魏聖祖明明
烈考丕承繼序

征西將軍登歌

經始宗廟神明戾止申錫無疆祗承享祀假哉皇祖綏
子孫子燕及後昆錫茲繁祉

豫章府君登歌

嘉樂肆庭薦祀在堂皇皇宗廟乃祖先皇濟濟辟公相
予烝嘗享祀不忒降福穰穰

肆郭本作在庭晉書作筵
先晉書作乃辟一作羣

金史卷四
卷四
賴川府君登歌

於邈先后實司於天顯矣皇祖帝社肇臻本支克昌資
始開元惠我無疆享祀永年

祀晉書
作祚

京兆府君登歌

於惟曾皇顯顯令德高明清亮匪兢柔克保乂命祐基
命惟則篤生聖祖光濟四國

祐晉書
作祐

宣皇帝登歌

於鑠皇祖聖德欽明勤施四方夙夜敬止載敷文教載

揚武烈匡定社稷行天罰經始大業造創帝基畏天之命于時保之

景皇帝登歌

執競景皇克明克哲旁作穆穆惟祗惟畏纂宣之緒者定厥功登此俊乂糾彼羣凶業業在位帝既勤止維天之命於穆不已

文皇帝登歌

於穆時晉允文文皇聰明睿聖敬神武萬幾莫綜皇

斯清之虎兕放命皇斯平之柔遠能邇簡授英賢創業

垂統勲格皇天

虎兕晉書
作蛇豕

饗神歌

二篇

曰晉是常享祀時序宗廟致敬禮樂具舉惟其來祭普

天率土犧樽既奠清酤既載亦有和羹慶羞斯備烝烝

永慕感時興思登歌奏舞神樂其和祖考來格祐我邦

家敷天之下罔不休嘉

敷天晉書
作溥天

肅肅在位濟濟臣工四海來格禮儀有容鐘鼓振管絃

理舞開元歌永始神胥樂兮肅肅在位臣工濟濟小大
咸敬上下有禮理管絃振鼓鐘舞象德歌詠功神胥樂
兮肅肅在位有來雍雍穆穆天子相維辟公禮有儀樂
有則舞象功歌詠德神胥樂兮

江左宗廟歌

晉書樂志曰永嘉之亂海內分崩伶官樂器皆
沒於劉石江左初立宗廟尚書下太常祭祀所
用樂名太常賀循答云魏氏增損漢樂以為一
代之禮未審大晉樂名所以為異遭離喪亂舊
典不存然此諸樂皆和之以鐘律文之以五聲
詠之以歌亂陳之於舞列宮懸在庭琴瑟在堂

八音迭奏雅樂並作登歌下管各有常詠周人之舊也自漢氏已來依倣此禮自造新詩而已舊京荒廢今既散亡音韻曲折又無識者則於今難以意言於時以無雅樂器及伶人省太樂並鼓吹令是後頗得登歌食舉之樂猶有未備太寧末明帝又詔阮孚等增益之咸和中成帝乃復置太樂官鳩集遺逸而尚未有金石也庾亮為荊州與謝尚循環復雅樂未具而亮薨庾翼桓溫專事軍旅樂器在庫遂至朽壞焉及慕容雋平冉閔兵戈之際而鄴下樂人亦頗有來者永嘉十一年謝尚鎮壽陽於是採拾樂人以備太樂并制石磬雅樂始頗具而王猛平鄴慕容氏所得樂聲又入關右太元中破苻堅入獲其樂工楊蜀等閑習舊樂於是四箱金石始備焉乃使曹毗王珣等增造宗廟歌詩然郊祀遂不設樂隋書樂志曰梁武帝云著晉宋史者皆言

太元元嘉四年四箱金石大備今檢樂府止有
黃鍾姑洗蕤賓太簇四格而已六律不具何謂
四箱備樂之
文其義焉在

歌高祖宣皇帝

曹毗
下同
十首

於赫高祖德協靈符應運撥亂釐整天衢勲格宇宙化
動八區肅以典刑陶以玄珠神石吐瑞靈芝自敷肇基
天命道均唐虞

歌世宗景皇帝

景皇承運纂隆洪緒皇維重抗天暉再舉蠢矣二寇擾

卷四
我揚楚乃整元戎以膏齊斧疊疊神算赫赫王旅鯨鯢
既平功冠帝宇

歌太祖文皇帝

太祖齊聖王猷誕融仁教四塞天基累崇皇室多難嚴
清紫宮威厲秋霜惠過春風平蜀夷楚以文以戎奄有
參墟聲流無窮

歌世祖武皇帝

於穆武皇允龔欽明應斯登禪龍飛紫庭百揆時序聽

斷以情殊域既賓僞吳亦平晨流甘露宵映朗星野有
擊壤路垂頌聲

歌中宗元皇帝

運屯百六天羅解貫元皇勃興網籠江漢仰齊七政俯
平禍亂化若風行澤猶雨散淪光更耀金輝復煥德冠

千載蔚有餘粲

網籠郭本作網羅

歌肅宗明皇帝

明明肅祖闡弘帝祚英風夙發清暉載路姦逆縱忒罔

式皇度躬振朱旗遂豁天步宏猷淵塞高羅雲布品物
咸寧洪基永固

歌顯宗成皇帝

於休顯宗道澤玄播式宣德音暢物以和邁德蹈仁匪
禮弗過敷以純風濯以清波連理映阜鳴鳳棲柯同規
放勛義蓋山河

歌康皇帝

康帝穆穆仰嗣洪德為而不宰雅音四塞閑邪以誠鎮

物以默威靜區宇道宣邦國

歌孝宗穆皇帝

孝宗肅哲休音允臧如彼晨離曜景扶桑垂訓華幄流
潤八荒幽讚玄妙爰該典章西平僭蜀北靜舊疆高猷
遠暢朝有遺芳

歌哀皇帝

於穆哀皇聖心虛遠雅好玄古大庭是踐道尚無為治
存易簡化若風行民猶草偃雖曰登遐德音彌闡愔愔

雲韶盡美盡善

民一作時

歌太宗簡文皇帝

王珣

下同二首

皇矣簡文於昭于天靈明若神周淡如淵冲應其來實
與其遷疊疊心化日用不言易而有親簡而可傳觀流
彌遠求本逾玄

歌烈宗孝武皇帝

天鑒有晉欽哉烈宗同規文考玄默允龔威而不猛約
而能通神鉦一震九域來同道積淮海雅頌自東氣陶

淳露化協時雍

四時祠祀歌

曹毗

肅肅清廟巍巍聖功萬國來賓禮儀有容鐘鼓振金石
熙宣兆胙武開基神斯樂兮理管絃有來斯和說功德
吐清歌神斯樂兮洋洋玄化潤被九壤民無不悅道無
不往禮有儀樂有式詠九功永無極神斯樂兮

宋宗廟登歌

宋書樂志曰武帝永初元年七月有司奏皇朝
肇建廟祀廟設雅樂太常鄭鮮之等八十八人

各撰立新歌黃門侍郎王韶之所撰歌辭七首
並合施用詔可又有七廟饗神登歌一首併以
歌章太后孝建二年十月辛未有司又奏郊廟
舞樂皇帝親奉初登壇及入廟詣東壁並奏登
歌不及三公行事左僕射建平王宏重參議公
卿行事亦宜奏登歌有司又奏元會及二廟齊
祠登歌伎舊並於殿庭設作尋廟祠依新儀注
登歌人上殿弦管在下今元會登歌人亦上殿
弦管在下
並詔可

北平府君登歌

王韶之

下同
八篇

綿綿遐緒昭明載融漢德未遠堯有遺風於穆皇祖永
世克隆本支惟慶貽厥靡窮

相國掾府君登歌

乃立清廟清廟肅肅乃備禮容禮容穆穆顯允皇祖昭

是嗣服錫茲繁祉聿懷多福

備一作修

開封府君登歌

四縣既序簫管既舉堂獻六瑚庭萬八羽先王有典克
禋皇祖丕顯洪烈永介休祐

武原府君登歌

鐘鼓喤喤威儀將將溫恭禮樂敬享曾皇邁德垂仁係

軌重光天命純嘏惠我無疆

敬郭本作致

東安府君登歌

鑠矣皇祖帝度其心永言配命播茲徽音思我茂猷如玉如金駿奔在陛是鑒是歌

孝皇帝登歌

烝哉孝皇齊聖廣淵發祥誕慶景祚自天德敷金石道被管絃有命既集徽風永宣

高祖武皇帝登歌

惟天有命眷求上哲赫矣聖武撫運桓撥功並敷土道
均汝墳止戈曰武經緯稱文烏龍失紀雲火代名受終
改物作我宋京至道惟王大業有劭降德兆民升歌清
廟

七廟享神登歌

奕奕寢廟奉璋在庭笙簫既列犧象既盈黍稷匪芳明
祀惟馨樂具禮充潔羞薦誠神之格思介以休禎濟濟
羣辟永觀厥成

七廟迎神辭

宋書不載按志竣嘗同荀萬秋竟陵建平王等議樂則此亦當

時所製或未施用耳

顏竣

敬恭明祀孝道感通合樂維和展禮有容六舞肅列
九變成終神之來思享茲潔衷靈之往矣綏我家邦

世祖廟歌 二章

世祖孝武皇帝廟歌

謝莊 下同

帝錫二祖長世多祜於穆睿考龔聖承矩玄極馳馭乾
紐墜緒闢我皇維締我宗宇刷定四海肇構神京復禮

輯樂散馬隳城澤物九有化浮八瀛慶雲承掖甘露飛
薨肅肅清廟徽徽閔宮舞蹈象德笙磬陳風黍稷非盛
明德惟崇神其歆止降福無窮

龔一作襲
宗一作宋

宣皇太后廟歌

稟祥月輝毓德軒光嗣徽嫄汭思媚周姜母臨萬寓訓
藹紫房朱玄玉篇式載瓊芳

章廟舞樂歌辭

宋書樂志曰文帝章太后廟未有樂章孝武大明中使尚書左丞殷淡造新歌明帝又自造昭

太后宣太后歌詩又曰章廟樂舞雜歌悉同用
太廟辭惟三后別撰隋書樂志曰梁天監元年
周捨議曰禮尸出入奏肆夏賓入大門奏肆夏
牲出入奏昭夏宋季失禮神入廟門遂奏昭夏
乃以牲牢之樂用接祖宗之靈斯
皆前代之深疵當今所宜改也

肅咸樂

夕牲賓出入奏

殷淡

下同
九首

彝承孝典恭事嚴聖浹天奉賁罄壤齊慶司儀具序羽
容夙彰芬枝颺烈黼構周張助寶奠軒耐珍充庭璆縣
凝會琄朱竚聲先期選禮肅若有承祗對靈祉皇慶昭

膺

禮一作會

尊事威儀輝容昭叙迅恭神明粢盛牲俎肅肅嚴宮藹
藹崇基皇靈降祉百祇具司戒誠望夜端列承朝依微
昭旦物色輕宵鴻慶遐邇嘉薦令芳翊帝明德永祚流
光

引牲樂

牲出入奏

維誠潔饗維孝奠靈敬芬黍稷敬滌犧牲騂繭在秦載
溢載豐以承宗祀以肅皇衷蕭芳四舉華火周傳神監
孔昭嘉是柔牲

嘉薦樂薦豆呈毛血奏

肇禋戒祀禮容咸舉六典飭文九司昭序牲粢既昭犧
剛既陳恭滌惟清敬事惟神加籩再御蕪俎重薦節動
軒越聲流金縣奕奕閔幄疊疊嚴闡潔誠夕鑒端服晨
暉聖靈戾止翊我皇則上綏四寓下洋萬國永言孝饗
孝饗有容儉僚贊列肅肅雍雍

齊樂用此分
亦奕為一章

昭夏樂迎神奏

闕宮黝黝複殿微微璿除肅炤釭壁彤輝黼帝神凝玉

堂嚴馨園火夕耀方水朝清金枝委樹翠銓竚縣停波
澄宿華漢浮天恭事既夙虔心有慕仰降皇靈俯寧休
祚

永至樂

皇帝入廟北門奏漢書禮樂志曰皇帝入廟門奏永至以為行步之節猶古采

齊肆
夏也

皇明鬯矣孝容以昭鑒華羽迺拂漢涵漙申申嘉夜翊

翊休朝行金景送步玉風韶師承祀則肅對裡桃

明一作朝

漙一作清

登歌 太祝裸地奏

帝容承祀練時涓日九重徹關四靈賓至肅倡函音庶
旄委佾休靈告饗嘉薦尚芬玉瑚飾列桂簋昭陳具司
選禮翼翼振振

裸崇祀典耐恭孝時禮無爽物信靡媿辭精華孚電誠
監昭通升歌翊節下管調風皇心履變敬明尊親大哉
孝德至矣文神

章德凱容樂舞歌

章太后
神室奏

幽瑞浚靈表彰嬪聖翊載徽文敷光崇慶上緯纏祥中
維飾詠永屬輝猷聯昌景命

昭德凱容樂舞歌

昭太后
神室奏

明帝

下同
二首

表靈躋象纘儀緯風膺華丹耀登瑞紫宮訓彤霄宇武
彰宸宮騰芬金會寫德聲容

宣德凱容樂舞歌

宣太后
神室奏

天樞凝耀地紐麗輝聯光騰世炳慶翔機薰藹中寓景
躋上微玉頌縷德金篇傳徽

嘉祚樂舞辭

皇帝還東壁
受福酒奏

殷淡

下同
四首

禮薦洽福時昌皇聖膺嘉祐帝業凝休祥居極乘景運
宅德瑞中王澄明臨四表精華延八鄉洞海周聲惠徹
宇麗乾光靈慶經世祉鴻烈永無疆

時齊
作祚

昭夏樂舞歌

送神奏
二章

大孝備盛禮豐神安留嘉樂充旋駕聳汎青穹延八虛
闢四空藹流景肅行風

昭融教緝風度戀皇靈結深慕解羽縣輟華樹偕琰除

端玉輅流汪濊慶國步

偕一作背

休成樂歌

皇帝詣便殿奏漢書禮樂志曰登歌再終下奏休成之樂美神明既饗也

醴醴具登嘉俎咸薦饗洽誠陳禮周樂徧祝辭罷裸序
容輟縣蹕動端庭鑾回嚴殿神儀駐景華漢亭虛八靈
案衛三祇解途翠蓋耀澄畢奕凝宸玉鑣息節金輅懷
音式誠遠孝底心肅感追憑皇鑒思承淵範神錫懋祉
四緯昭明仰福帝徽俯齊庶生

耀澄齊書作澄
耀凝宸作凝宸

古樂苑卷四

欽定四庫全書

古樂苑卷五

明 梅鼎祚 編

郊廟歌辭

廟祀

梁

陳

北周

隋

齊太廟樂歌

南齊書樂志曰宋昇明中太祖為齊王令司馬
褚淵造太廟登歌二章建元初詔黃門侍郎謝
超宗造廟樂歌詩十六章永明二年尚書殿中
曹奏太祖高皇帝廟神室奏高德宣烈之舞未
有歌詩郊應須歌辭辭移皇后廟神室亦未有歌
辭案傳玄云登歌廟異其文饗神十室同辭此

議為允又尋漢世歌篇多少無定皆稱事立文並多八句然後轉韻時有兩三韻而轉其例甚寡張華夏侯湛亦同前式傳玄改韻頗數更傷簡節之美近世王韶之顏延之並四韻乃轉得賒促之中顏延之謝莊作二廟歌皆各三章章八句此於序述功業詳畧為宜今宜依之郊配之日改降尊作王禮殊宗廟穆后母儀之化事與經綸此二歌為一章八句別奏事御奉行詔可尚書令王儉造太廟二室及郊配辭古今樂錄曰梁何佟之周捨等議以為周禮牲出入奏昭夏而齊氏仍宋儀注迎神奏昭夏牲出入更奏引牲樂乃以牲牢之樂用接祖宗之靈宋季之失禮也

肅咸樂

夕牲羣臣出入奏

謝超宗

下同
十六章

潔誠底孝孝感煙霜寅儀式序肅禮綿張金華樹藻肅
哲騰光殷殷升奏嚴嚴階庠匪椒匪玉是降是將懋分
神衷翊祐傳昌

引牲樂

牲出入奏

肇祀嚴靈恭禮尊國達敬傳典結孝陳則芬滌既肅犧
牲既整聳誠流思端儀選景肆禮佇夜綿樂望晨崇席

皇鑒用饗明神

傳一作敷

嘉薦樂

薦豆呈毛血奏

清思眈眈寢微微恭言載感肅若有希芬俎具陳嘉
薦兼列凝馨煙飈分炤星哲睿靈式憑協我帝道上澄
五緯下陶八表

右夕牲
歌辭

昭夏樂

迎神奏

涓辰選氣展禮恭祗重闈月洞層牖煙施載虛玉帑載
受金枝天歌折饗雲舞罄儀神惟降止汎景凝羲帝華
永藹泯藻方搞

永至樂

皇帝入廟
北門奏

戲繇惟則姬經式序九司聯事八方承宇鑾迺靜陳繡
樂具舉凝旒若慕傾璜載佇振振璇衛穆穆禮容載藹
皇步式敷帝蹤

登歌

太祝裸地奏

清明既訖大孝乃熙天儀晬愴皇心儼思既芬房豆載
潔牲醑鬱裸升禮銷玉登聲茂對幽嚴式奉徽靈以享

以祀惟感惟誠

明一作容
玉一作金

凱容樂

皇祖廟陵
丞神室奏

金
卷五
國昭惟茂帝穆惟崇登祥緯遠締世景融紛綸睿緒菴
蔚王風明進厥始濬哲文終

凱容樂

皇祖太中大夫
府君神室奏

璇條貴蔚瓊源浚照懋矣皇烈載挺明劭永言敬思式
恭惟教休途良乂榮光有耀

凱容樂

皇祖淮陰令
府君神室奏

嚴宗正典崇享肇裡九章既飭三清既陳昭恭皇祖承
假徽神貞祐伊協卿藹是鄰

凱容樂

曾祖即丘令府君神室奏

肅惟敬祀潔事參鄉環柱像綴緬密絲黃明明烈祖尚
錫龍光粵雅于姬伊頌在商

凱容樂

皇祖太常卿府君神室奏

神宮懋鄴明寢昌基德凝羽綴道鬯容辭假我帝緒懿
我皇維昭大之載國齊之祺

宣德凱容樂

皇考宣皇帝神室奏

道闕期運義開藏用皇矣睿祖至哉攸縱循規烈炤襲

矩重芬德溢軒義道懋炎雲

凱容樂

昭皇后神室奏

月靈誕慶雲瑞開祥道茂淵柔德表徽章粹訓宸中儀
形宙外容蹈凝華金羽傳藹

永祚樂

皇帝還東壁上福酒奏

構宸抗宇合軫齊文萬靈載溢百禮以殷朱絃繞風翠
羽停雲桂樽既滌瑤俎既薰升薦惟誠昭禮惟芬降祉
遙裔集慶氤氲

肆夏樂 送神奏

禮既升樂以愉昭序溢幽饗餘人祇鬯敬教敷神光動
靈駕翔芬九垓鏡八鄉福無屆祚無疆

休成樂

皇帝詣便殿奏

睿孝式鬯饗敬爰徧諦容輟序侑文靜縣辰儀聳蹕霄
衛浮鑾旒帟雲施翠華景搏恭惟尚烈休明再纏國猷

遠藹昌圖聿宣

徧一作徧
縣一作懸

太廟登歌

褚淵

下同
二章

惟王建國設廟凝靈月薦流典時祀暉經瞻宸僊思雨
露追情簡日筮晷闕奠升文金壘渟桂沖幄舒薰備僚
肅列駐景開雲

至饗攸極睿孝惇禮具物咸潔聲香合體氣昭扶幽眇
慕躔遠迎絲驚促送佾留晚聖衷踐候節改增愴妙感

崇深英徽彌亮

聲香郭本
作馨聲

高德宣烈樂

太祖高皇帝
神室奏

王儉

下同
三章

悠悠草昧穆穆經綸乃文乃武乃聖乃神動龕危亂靜

比斯民誕應休命奄有八寅握機肇運光啟禹服義滿
天淵禮昭地軸澤靡不懷威無不肅戎夷竭歡象來致
福偃風裁化暉日敷祥信星含曜拒草流芳七廟觀德
六樂宣章惟先惟敬是饗是將

穆德凱容樂

穆皇后神室奏

太姒嬪周塗山儷禹我后嗣徽重規疊矩肅肅閔宮翔
翔雲舞有饗德馨無絕終古

明德凱容樂

高宗明皇帝神室奏

多難固業殷憂啟聖帝宗讚武維時執競起柳獻祥百
堵興詠義雖祀夏功符受命遠無不懷邇無不肅其儀
濟濟其容穆穆赫矣君臨昭哉嗣服允王惟后膺此多
福禮以昭事樂以感靈八簋陳室六舞充庭觀德在廟
象德在彤四海來祭萬國咸寧

梁宗廟登歌

隋書樂志曰七曲四言皇帝初獻奏按太廟雅
歌與郊明堂同用者皇雅滌雅拊雅誡雅第三
首並沈
約撰

沈約

功高禮洽德尊樂備三獻具舉百司在位誠敬罔讐幽
明同致茫茫億兆無思不遂蓋之如天容之如地

殷兆玉筐周始邠王於赫文祖基我大梁肇土七十奄
有四方帝軒百祀人思未忘永言聖烈祚我無疆

有夏多罪殷人塗炭四海倒懸十室思亂自天命我殲
凶殄難既躍乃飛言登天漢爰饗爰祀福祿攸贊祀郭作格

犧象既飾壘俎斯具我鬱載馨黃流乃注峨峨卿士駿
奔是務佩上鳴堦纓還拂樹悠悠億兆天臨日煦

猗歟至德光被黔首鑄鎔蒼昊甄陶區有肅恭三獻對
揚萬壽比屋可封含生無咎匪徒七百天長地久肅郭作恪
有命自天於皇后帝悠悠四海莫不來祭繁祉具膺八
神聳衛福至有兆慶來無際播此餘休于彼荒裔
祀典昭潔我禮莫違八簋充室六龍解駢神宮肅肅靈
寢微微嘉薦既饗景福攸歸至德光被洪祚載輝

小廟樂歌

隋書樂志曰梁又有小廟太祖太夫人廟非嫡
故別立廟皇帝每祭太廟訖諸小廟亦以一太

牢如太
廟禮

舞歌

閔宮肅肅清廟濟濟於穆夫人固天攸啟祚我梁德膺
斯盛禮文棬達嚮重檐丹陛飾我俎粢潔我粢盛躬事
奠饗推尊盡敬悠悠萬國具承茲慶大孝追遠兆庶攸
詠

登歌

光流者遠禮賁彌中嘉饗云備盛典必陳追養自本立

愛惟親皇情乃慕帝服來尊駕齊六轡旂耀三辰感茲
霜露事彼冬春以斯孝德永被蒸民

陳太廟舞辭

隋書樂志曰陳初並用
梁樂惟改七室舞辭

凱容舞

皇祖步兵府
君神室奏

周弘讓

下同

於赫皇祖宮牆高嶷邁彼厥初成茲峻極縵樂簡簡閔
寢翼翼裸饗若存惟靈靡測

凱容舞

皇祖正負府
君神室奏

昭哉上德浚彼洪源道光前訓慶流後昆神猷緬邈清

廟斯存以享以祀惟祖惟尊

惟郭作是

凱容舞

皇祖懷安府君神室奏

選辰崇饗飾禮嚴敬靡愛牲牢兼馨粢盛明明列祖龍

光遠映肇我王風形斯舞詠

凱容舞

皇高祖安成府君神室奏

道遙積慶德遠昌基永言祖武致享從思九章傳列八
舞迴墀靈其降止百福來綏

凱容舞

皇曾祖太常府君神室奏

肇迹締基義標鴻篆恭惟載德瓊源方闡真薦三清筵
陳四璉增我堂構式敷帝典

景德凱容舞

皇祖景皇帝神室奏

皇祖執德長發其祥顯仁藏用懷道韜光寧斯閔寢合
此蕭鄉永昭貽厥還符翦商

武德舞

皇考高祖武皇帝神室奏

烝哉聖祖撫運升離道周經緯功格玄祇方軒邁扈比

舜陵嫺緝熙是詠欽明在斯雲雷邁屯圖南共舉大宥
揚越震威衡楚四奧宅心九疇還敘景星出翼非雲入
呂德暢容辭慶昭羽綴於穆清廟載揚徽烈嘉玉既陳
豐盛斯潔是將是享鴻猷無絕

北齊享廟樂辭

陸印等奉詔撰

肆夏樂

先祀一日夕牲羣臣入奏三公出進
熟羣臣入羣官出並奏肆夏辭同

霜淒雨暢烝哉帝心有敬其祀肅事惟歆昭昭車服濟

濟衣簪鞠躬貢酎磬折奉琛差以五列和以八音式祗
王度如玉如金

高明登歌樂

迎神奏

日卜惟吉辰擇其良奕奕清廟黼黻周張大呂為角應
鍾為羽路鼗陰竹德歌昭舞祀事孔明百神允穆神心
乃顧保茲介福

昭夏樂

牲出入奏

大祀云事獻奠有儀既歌既展贊顧迎犧執從伊竦芻

飾惟慄俟用於庭將升於室且握且辭以致其誠惠我
貽頌降祉千齡

昭夏樂

薦毛血奏

緬彼遐慨悠然永思留連七享纏綿四時神升魄沈靡
聞靡見陰陽載俟臭聲蕪薦祖考其鑒言萃王休降神
敷錫百福是由

皇夏樂

進熟皇帝入北門奏詣東
陛升殿並奏皇夏辭同

齊居嚴殿夙駕層闌車輅垂彩旒袞騰輝聳誠載仰翹

心有慕洞洞自形斤斤表步闕宮有邃神道依稀孝心
緬邈爰屬爰依

登歌樂

太祝裸地奏

太室宵宵神居宿設鬱鬯惟芬璋惟潔彝簞應時龍
蒲代用藉茅無咎福祿攸降端感會事儼思修禮齊齊
勿勿俄俄濟濟

登歌樂

皇帝升殿
殿上作

我祠我祖永惟厥先炎農肇聖靈祉蟬聯霸圖中造帝

業方宣道昌基構撫運承天奄家六合爰光八埏尊神
致禮孝思惟纏寒來暑反惕薦在年匪敬伊慕備物不
愆設簾設業執鼓填填辟公在位有容伊虔登歌啟侑
下管應懸厥容無爽幽明肅然誠币厚地和達穹玄既
調風雨載協山川周庭有列湯孫永延教聲惟被邁後
光前

始基樂恢祚舞

皇帝初獻六世祖
司空公神室奏

克明克俊祖武惟昌業弘營土聲被海方有流厥德終

耀其光明神幽贊景祚攸長

始基樂恢祚舞

五世祖吏部尚書神室奏

顯允盛德隆我前構瑤源彌瀉瓊根愈秀誕惟有族丕緒克茂大業崇新洪基增舊

始基樂恢祚舞

高祖秦州使君神室奏

祖德丕顯明詰知機豹變東國鵲起西歸禮申官次命改朝衣敬思孝享多福無違

始基樂恢祚舞

曾祖太尉武貞公神室奏

兆靈有業潛德無聲韜光戢耀貫幽洞冥道弘舒卷施
博藏行緬追歲事夜遽不寧

始基樂恢祚舞

祖文穆皇
帝神室奏

皇皇祖德穆穆其風語嘿自己明獻在躬荷天之錫聖
表克隆高山作矣寶祚其崇離光旦旦載煥載融感薦
惟永神保無窮

武德樂昭烈舞

高祖神武皇
帝神室奏

天造草昧時難糾紛孰拯斯溺靡救其焚大人利見緯

武經文顧指維極吐吸風雲開天闢地峻嶽夷海冥工
掩迹上德不宰神心有應龍化無待義征九服仁兵告
凱上平下成靡或不寧匪王伊帝偶極崇靈享親則孝
潔祀惟誠禮備樂序肅贊神明

文德樂宣正舞

文襄皇帝
神室奏

聖武丕基獻文顯統眇哉神啟鬱矣天縱道則人弘德
云邁種昭冥咸叙崇深畢綜自中徂外經朝庇野政反
淪風威還缺雅旁作穆穆格於上下維享維宗來鑒來

假

文正樂光大舞

顯祖文宣
皇帝神室

玄厯已謝蒼靈告期圖璽有屬揖讓惟時龍升虎變弘
我帝基對揚穹昊實啟雍熙欽若皇猷永懷王度欣賞
斯穆威刑允措軌物俱宣憲章咸布俗無邪指下歸正
路茫茫九域振以乾綱混通華裔配括天壤作禮視德
列樂傳響薦祀惟虔衣冠載仰

虎隋書
作獸

皇夏樂

皇帝還東壁
飲福酒奏

孝心翼翼率禮兢兢時洗時薦或降或升在堂在戶載
湛載凝多品斯奠備物攸膺蘭芬敬挹玉俎恭承受祭
之祐如彼岡陵

高明樂

送神奏

仰棖楠慕衣冠禮云罄祀將闌神之駕紛奕奕乘白雲
無不適窮昭域極幽塗歸帝祉眷皇都

皇夏樂

帝詣便殿奏

禮行斯畢樂奏以終受嘏先退載暢其衷鑾軒循轍麾

旌復路光景徘徊絃歌顧慕靈之相矣有錫無疆國圖
日競家厯天長

周宗廟歌辭

皇夏

皇帝入廟門奏

庾信

下同

肅肅清廟巖巖寢門歌器防滿金人戒言應輦懸鼓崇
牙樹羽階變升歌庭紛象舞閒安象設緝熙清奠春鮪
初登新萍先薦優然入室儼乎其位悽愴履之非寒之

謂

其郭
作在

昭夏降神奏

永維祖武潛慶靈長龍圖革命鳳歷歸昌功移上堦德
耀中陽清廟肅肅猛虞煌煌曲高大夏聲和盛唐牲粢
蕩滌蕭合馨香和鑾戾止振鷺來翔永敷萬國是則四
方

皇夏
俎入皇帝
升階奏

年祥辨日上協龜言奉酎承列來庭駿奔雕禾飾掌翠
羽承樽敬殫如此恭惟執燔

皇夏

皇帝獻皇
高祖奏

慶緒千重秀鴻源萬里長無時猶戢翼有道故韜光盛
德必有後仁義終克昌明星初肇慶大電久呈祥

皇夏

皇帝獻皇曾
祖德皇帝奏

克昌光上烈基聖穆西藩崇仁高涉渭積德被居原帝
圖張往迹王業茂前尊重芬德陽廟疊慶壽陵園百靈
光祖武千年福孝孫

皇夏

皇帝獻皇祖太
祖文皇帝奏

雄圖屬天造宏畧遇羣飛風雲猶聽命龍躍遂乘機百
二當天險三分拒樂推函谷風塵散河陽氛霧晞濟弱
淪風起扶危頽運歸地紐崩還正天樞落更追原祠乍
超忽畢隴或綿微終封三尺劍長卷一戎衣

皇夏

皇帝獻文宣
皇太后奏

月靈興慶沙祥發源功參禹迹德贊堯門言容典禮榆
狄徽章儀彤溫德令問昭陽日月不居歲時晬晚瑞雲
纏心闕宮惟遠

皇夏

皇帝獻閣
皇帝奏

龍圖基代德天步屬艱難謳歌還受瑞揖讓乃登壇升
輿芒刺重入位據闢寒卷舒雲汎濫遊揚日浸微出鄭
終無反居桐竟不歸祀夏今惟舊尊靈謚更追

皇夏

皇帝獻明
皇帝奏

若水逢降君窮桑屬惟政丕哉馭帝錄鬱矣當天命方
定五雲官先齊八風令文昌氣似珠太史河如鏡南宮
學已開東觀書還聚文辭金石韻毫翰風飈豎清室桂

馮馮齊房芝詡詡寧思玉管笛空見靈衣舞

皇夏

皇帝獻高祖
武皇帝奏

南河吐雲氣北斗降星辰百靈咸仰德千年一聖人書
成紫微動律定鳳凰馴六軍命西土甲子陳東隣戎衣
此一定萬里更無塵煙雲同五色日月並重輪流沙既
西靜蟠木又東臣凱樂聞朱雁銑歌見白麟今為六代
祀還得九疑賓

皇夏

皇帝還東壁
飲福酒奏

禮殫裸獻樂極休成長離前揆宗祀文明縮酌浮蘭澄
壘合鬯磬折禮容旋迴靈貺受釐撤俎飲福移樽惟光
惟烈文子文孫

皇夏

皇帝還便坐奏

庭闕四始筵終三薦顧步堦墀徘徊餘莫六龍矯首七
萃警途鼓移行漏風轉相烏翼翼從事綿綿四時惟神
降嘏永言保之

大禘樂歌

二首餘同
宗廟時享

昭夏降神奏

律在夾鍾服居蒼袞杳杳清思綿綿長遠就祭於合班
神於本來庭有序助祭有章樂舞六代賓歌二王和鈴
以節絳革斯鏘齊宮饌玉鬱竿浮金洞庭鐘鼓龍門瑟
琴其樂已變惟神是臨

登歌奠玉帛奏

神惟顯思不言而令玉帛之禮敢陳莊敬奉如弗勝薦
如受命交於神明懋於言行

隋太廟歌

隋書樂志曰先是高祖遣內史侍郎李元操直內使省廬思道等列清廟歌辭十二曲令齊樂人曹妙達於太廟教習以代周歌其初迎神七言象元基曲獻奠登歌六言象傾盃曲送神禮畢五言象行天曲至是弘等但改其聲合於鐘律而辭經勅定不敢易之至仁壽元年煬帝初爲太子從饗於太廟聞而非之乃上言曰清廟歌辭文多浮麗不足以述宣功德請更議定於是制詔吏部尚書竒章公弘開府儀同三司領太子洗馬柳顧言秘書丞攝太常少卿許善心內史舍人虞世基禮部尚書蔡徵等更詳故實創製雅樂歌辭大業元年煬帝又詔修高廟樂後復難於改作其議竟寢惟新造高祖廟歌九首今亡

迎神歌

務本興教尊神體國霜露感心享祀陳則官聯式序奔走
在庭几筵結慕裸獻惟誠嘉樂載合神其降止永言
保之錫以繁祉

登歌

孝熙嚴祖師象敬宗惟皇肅肅有來雍雍雕梁霞複繡
棨雲重觀德自感奉璋伊恭彝箚盡飾羽綴有容升歌
發藻景福來從

俎入歌

郊丘社廟同

祭本用初祀由功舉駿奔咸會供神有序明酌盈樽豐
犧實俎幽全既薦績錯維旅享由明德香非稷黍載流
嘉慶克固鴻緒

皇高祖太原府君歌

締基發祥肇源興慶迺仁迺哲克明克令庸宣國圖善
流人詠開我皇業七百同盛

皇曾祖康王歌

皇條俊茂帝系靈長豐功疊軌厚利重光福由善積代
以德彰嚴恭盡禮永錫無疆

皇祖獻王歌

盛才必達丕基增舊涉渭同符遷邠等構弘風邁德義

高道富神鑒孔昭王猷克懋

渭隋書
作魏

皇考太祖武元皇帝歌


深仁冥著至道潛敷皇矣太祖耀名天衢翦商隆祚奄
宅隋區有命既集誕開靈符

飲福酒歌 郊丘社廟同

神道正直祀事有融肅雍備禮莊敬在躬羞燔已具奠
酌將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡孝敬
窮嚴潔人祇分哀樂半降景福憑幽贊



古樂苑卷五